

Bahlanka ba SARS ba Bolaodi ba Meedi ba bile karolo ya letsholo la khokheine ya boleng ba R25 million

Tshwane, 11 Mphalane 2024 – Bahlanka ba Bolaodi ba Meedi ba Ditshebeletso tsa Lekgetho tsa Afrika Borwa (SARS) ba utullutse ditena tse 47 tsa khokheine e momahantsweng, eo boleng ba yona bo ka bang R25 million, mane Boemafofaneng ba Matjhaba ba OR Tambo hoseng ha kajeno.

Ditena tsena tsa khokheine tsa boima ba 50 kg, di ne di pakilwe mokotleg wa diphahlo o ileng wa bonwa ke bahlanka ba Bolaodi ba Meedi mmoho le ke bahlanka ba tshireletso ba boemafofaneng hoseng hona lebanteng le tsamaisang diphahlo la sefofane se neng se tswa Sao Paulo mane Brazil mme se ne se tla leba mane Kinshasa mane Democratic Republic of the Congo (DRC).

Bahlanka ba SARS ba Bolaodi ba Meedi ba ile ba hlahloba mokotlana ona wa diphahlo mme ba lemoha dintho tse belaetsang ka hara ona. Dintho tsena di ile tsebahatswa e le dithethefatsi tse fetolang semelo ka mora ho etswe diteko. Ho ne ho se bapalami ba neng ba tsamaya mmoho le mokotlana ona mme ka hona ha ho motho ya tshwerweng. Ditshebeletso tsa Sepolesa sa Afrika Borwa jwale di tla fuputsa taba ena ka mora hore tsohle di nyehelwe matsohong a bona.

Sao Paulo e mane Brazil ke sebaka se ka bakang kotsi e kgolo se sebediswang e le sebaka sa ho tloha ke batsamaisi ba dithethefatsi mmoho le ho ba le mekotlana ya diphahlo e tsamayang le e sa tsamayeng le batho e kentseng khokheine. Ho bile le matsholo a mangata moo ho tshwerweng batsamaisi bana ba dithethefatsi mane ORTIA dibekeng tsa ho feta.

Khomishenara ya SARS Edward Kieswetter e lemositse bohle ba amehang ho mokolweng ha dithethefatsi hore ho ntse ho sebediswa tsela ya tshebedisano ya mekga e mengata ho ba tshwara. Bolaodi ba Meedi ba SARS, Bolaodi ba Botsamaisi ba Madiboho, Airports Company, SAPS mmoho le Lefapha la Merero ya Lehae ba sebetsa mmoho ho sireletsa baahi masisapelong a dithethefatsi tse fetolang semelo. O boletse hore: "Tsela ena ya mekga e fapaneng e tla ka ditlamorao tse bonahalang mme sena se suptjwa ke ho tshwarwa le ho tsometswa ho etsahalang moraorao tjena. Ka diketso tsena, re sireletsa bophelo bo botle ba baahi ba rona, haholoholo batjha ba rona bao e leng bokamoso ba rona," ho rialo Khomishenara.

Ho fumana lesedi le fetang lena, ikopanye le sarsmedia@sars.gov.za